



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-357-3/23**
Datum: **22.08.2023. godine**

«Agencija za vodno područje rijeke Save» Sarajevo rješavajući po zahtjevu Investitora Alisa Hodžić, u postupku izdavanja prethodne vodne suglasnosti za ispuštanje otpadnih i oborinskih voda iz vikend objekta izgrađenog u naselju Vinac, općina Jajce, na osnovu člana 139. stav (1) Zakona o vodama («Službene novine Federacije BiH», broj 70/06) i člana 123. stav (2) Zakona o upravnom postupku («Službene novine Federacije BiH», broj 2/98, 48/99, 61/22), donosi

ZAKLJUČAK

1. Odbacuje se zahtjev Investitora Alisa Hodžić sa adresom, Braće Kršto 4/15, općina Vogošća za izdavanje prethodne vodne suglasnosti za ispuštanja otpadnih voda iz vikend objekta izgrađenog u naselju Vinac, općina Jajce, na zemljištu označenom kao k.č. 14-73/3, P.L. br.725, K.O. Vinac, općina Jajce, s obzirom da za predmetnu aktivnost, u skladu s odredbama člana 139. stav (1) Zakona o vodama FBiH, nije propisana obaveza pribavljanja vodnih akata iz nadležnosti ove Agencije i nema uslova za vođenje postupka.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene namjene objekta pri čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Investitor, Alisa Hodžić, svojim zahtjevom, zatražila je izdavanje prethodne vodne suglasnosti za ispuštanja otpadnih voda iz vikend objekta izgrađenog u naselju Vinac, općina Jajce, na zemljištu označenom kao k.č. 14-73/3, P.L. br.725, K.O. Vinac, općina Jajce. U provedenom postupku dostavljena je i pregledana sljedeća dokumentacija:

- Stručna ocjena po predmetu br. 03-19-5-157/22 izrađenog od Povjerenstva za davanje stručne ocjene u postupku donošenja urbanističke suglasnosti od 23.3.2023.god.;
- Mišljenje br. 03-19-5-157/22 od 12.12.2022.god., izdano od Službe graditeljstva/urbanizma, prostornog planiranja, geodetskih, katastarskih i imovinsko pravnih poslova Općine Jajce;
- Izvod iz Prostornog plana općine Jajce za period 2007-2027.god.;
- Situacioni prikaz objekta;
- Projektna dokumentacija izrađena od poduzeća "DOMUS DESIGN" d.o.o. Sarajevo;
- Posjedovni list br. 725 izdan od Službe graditeljstva/urbanizma, prostornog planiranja, geodetskih, katastarskih i imovinsko pravnih poslova Općine Jajce.;
- Kopija uplatnice o plaćenju upravnoj pristojbi;

Postupajući po podnesenom zahtjevu, a u cilju utvrđivanja uvjeta za pokretanje upravnog postupka u ovoj upravnoj stvari, od strane stručnih osoba iz Agencije za vodno područje rijeke Save uz nazočnost predstavnika podnosioca zahtjeva, dana 21.08.2023. izvršen je uviđaj na

predmetnom lokalitetu, pri čemu je o utvrđenom činjeničnom stanju sačinjen Zapisnik br. UP-1/21-1-40-357-2/23.

Na lokalitetu označenome sa kao k.č. 14-73/3, P.L. br.725, K.O. Vinac, općina Jajce, postoji izgrađen objekt, katnosti prizemlje + potkrovlje, vanjskih gabarita 5,64 x 5,90, koji se koristi kao vikend objekt a po izjavi podnosioca zahtjeva izgrađen je 1991.god.. Postojeći objekt je spojen na svu potrebnu infrastrukturu (NN mrežu, telefonija, vodovodna mreža i pristupni put).

Vodoopskrba je s lokalnog vodovoda a fekalno sanitarne vode se upuštaju u vodonepropusnu septičku jamu koju prazni i održava JKP „ Vodovod i Kanalizacija“ d.o.o, Jajce.

Na navedenoj lokaciji nije planiran uređen parking prostor za motorna vozila jer se objekt povremeno koristi u svrhu odmora i rekreacije.

Na osnovu gore navedenog, stranka se upućuje da podnese zahtjev za izdavanje prethodne vodne saglasnosti za ispuštanje sanitarno fekalnih voda iz objekta vikendice, Ministarstvu poljoprivrede, vodoprivrede i šumarstva SBK, a nakon ishodovanja iste.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Marko Barić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Alisehović, dipl.ing.građ.

Dostaviti:

- Alisa Hodžić, Braće Kršto 4/15, općina Vogošća.
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava